

Sámi parlamentáralaš ráđđi (Suoma, Norgga ja Ruota sámedikkiid oktasašbargoorgána) álggaha 1.8.2015 davviriikkalaš sáme giela fága- ja resursaguovddáža Sámi giellagáldu joatkkaproševtta, mii nohká 31.5.2018. Proševtta váldoruhtadeaddji lea EU Interreg Davvi-programma.

Barggu geavtlaš ollašuttima várás Suoma Sámediggi ohcá áigodahkii 1.8.2015 – 30.4.2018:

**1 mearreáigásaš nuortalašgiela giellabargi**  
**1 mearreáigásaš anárašgiela giellabargi ja**  
**1 mearreáigásaš davvisáme giela giellabargi**

Giellabargi bargguide gullet giellagáhtten, giela ovddideapmi, terminologijabargu, giela normeren ja diehtujuohkin- ja rávvenbargu. Giellabargái sáhttet maiddái biddjot eará barggut, mat gullet davviriikkalaš sáme giela fága- ja resursaguovddáža joatkkaprošektii.

Seadáhusvuđđosaš gelbbolašvuotagáibádussan lea barggu eaktudan skuvlejuvpmi ja dan lassin gáibiduvvo sáme giela dáidu. Fidnui ohcat vuosttažettiin olbmo, geas lea sáme giella eatnigiellan dahje vástideaddji giellagelbbolašvuota. Mii deattuhat alit oahpu (allaskuvllas/universitehtas) sáme gielas, vásáhusaid sullasaš bargguin ja gelbbolašvuoda sámi servodat- ja gielladilis. Dasa lassin deattuhat ámmátlaš čehppodaga, ovttasbargo- ja gulahallannávccaid, sáme giela čálalaš dáiddu sihke návccaid bargat iešheanaláčat ja ulbmillačat.

Davviriikkalaš sáme giela fága- ja resursaguovddáža bargogiellan leat sáme giella sihke suomagiella ja ruota-/dárogiella. Fága- ja resursaguovddáža ovddasvástádussan lea ovttas sámedikkiiguin davviriikkalaš giellaovttasbarggu nannen ja ovddideapmi nu, ahte guđege giellajoavkku sierranas dárbbut, hástalusat ja resurssat váldojit vuhtii, ja sáme giela rigggudahttin ja dorvvasteapmi boahte áiggis.

Giellabargi lea bargogaskavuodas Suoma sámediggái ja bálká mearrašuvvá sámedikki bálkávuogádaga gáibádusdásiid V/II mielde (vuodđobálká 2 110,20 euro/mb). Vuodđobálkká lassin máksojuvvo 24 % sáme guovllu lassi ja bargohárjánumi vuodul boahtti bargovásáhuslasit. Bargobáiki lea sámedikki doaimmabáikkiin dahje eará sajis soahpamuša mielde.

**Ohcamušaid čuvvosiiguin galgá doaimmahit Suoma sámedikki čállingoddái 10.7.2015 dmu 16.00 rádjai čujuhusain: Sajos, 99870 Anár.** Lassidieđuid barggus addiba gielladorvočalli Siiri Jomppanen siiri.jomppanen@samediggi.fi ja má. giellaáššiidčalli Marko Marjomaa marko.marjomaa@samediggi.fi. Sámedikki doaimmaide sáhttá oahpásmuvvat neahttačujuhusas [www.samediggi.fi](http://www.samediggi.fi)

Anáris 18.6.2015

Sámediggi